

集部

欽定四庫全書等調書卷去

詳校官中書臣旅 溶 中書題源溥覆勘

總校官知縣臣緣 校對官中書臣宋枋遠 腾綠 監生 臣許 溶 珙

State And State 欽定四庫全書)暑縣有可言者俯察生民困苦之狀無路達於九重與與乎不可見己中觀英雄豪傑成敗與衰與其攻守 人風送吾入洛萬里平原固在仰稽聖神經續 與館中諸牛 莊渠遺書 明 撰

噫中原地利不與決無富 底教之理而與之甚難與之 甚難所至烟雲相迎江山如待天寬地寬眼亦寬深覺 政公移舟中已界草定寄四入河南界則聞過惡實繁 倪岩放去自由悉被驅殼私愁包裹道何由而行也學 把攝只在方寸但愧不能自作主宰未免衮衮隨逐大 化今有一言告二三子此心收却纔從天德上露出端 與時推移過歸德乃微子所封巡遠死節之雅陽也衆 有徒蕭子雖俱已斥逐始盡衆驚神明懼不自保正欲

端人矣廼獨召與語被容告云蕭宗主訪察皆是而大 中望一教官頗異未奇之也因事怒之所守不變知為 失士心者過於嚴也宗主此来衆皆危疑亦甚瞻仰但 畏阻嚮慕之心也又云教官獨召恐有壽張者出其言 司教官彼多不明反累盛德教化亦危難行蓋人情先 其迹行祭蕭案文祭王案權衡之下便可得人託諸有 願不動聲色以涵育薰陶為主教化當大行訪察且冺 可補吾之缺時汝寧案已先發遂用其意他處案頗當 莊渠遺書

愛之誠有難自遇者 改更寄田奏草疏遠之臣不當預聖學故因事及之忠 腴地利最易與後瑜淮而北千里平原如低滿目蕭係 别後從京口横絕大江乗汴船渡淮江淮之間土多膏 邳上下得雨草木生意流動麥青青在田民恃以無恐 漕河開塞不常勢終歸於塞噫孰能師禹稷以濟斯民 水旱皆苦准視江小甚而吞大河宣侍智者决其為此

金に人匹さん全言

黄河清今上生今歲黄河後清意者前星將耀乎孔上 こうこうこうしょう 道要自度不能諧俗因詠文公詩云執我仇仇註我知 彌文哉禮而無實心詢以民瘼皆漫不為意又可為世 效吾悠悠覆歉也 平生學不得力愧無可補於世而屑屑往来何哉進德 漫將行止驗天機猿啼鶴怒渾問事只恐先生袖手歸 屢聞聖德清明深可為世道,慶但沿途所接士夫益為 修業端有望於諸生諸生年富力強正宜及時努力母 莊源遺書

金にノロドトノニット 自離桑梓夢魂常繞故園二三子數十里寓書雖立志 有大小用功有緩切要之自說實話宛如親在精舍中 好但未知天運如何果欲平治與否且運數月更看著 貞厲之懼噫誰能手抉浮野以生東明乎機會来得甚 得来而二三輔臣謀謨日異反啟上心猜疑將有夫履 毅然欲希唐虞商周不肯作三代以下人主此念何處 相應答也願各策勵各進一步何如何如上聰明天挺

次定四軍全書 養心而致疾者此當更入思議遠欲融釋疑滞須於事 皆恬於進取固為可嘉但欲順親之心則人事不可以 **传匹者純南甚强人意眼下又不得来可慨哉** 不盡應電超然物外而多病累之然自古聖賢未聞有 大比之事罪矣參也潜也士淹也得失何如希東希發 數當如何下也應電欲習天文莫於無事生事諸髦士 呵筆不能盡所欲言人才甚艱静養遊養外未見可與 四 莊渠遺書

定已义武四此心一照前許多將迎還得絲毫益否希 功吳門一病感暑氣也醫兼勞倦治之彌覺心煩至京 於人情物理不甚留意日用間未免有累莫若就此用 ·動抱此天資奈何枉自擔閣肯策勵否那士淹質高而 無疼願著精来潛貼書紀兒言言藥石良感此意今事 上用功勿觀雜書分我全力希東多疑少決通来有增 過儀真會崇志持養甚深渾厚之氣達於面目但未見 口專服解暑劑洒然而愈噫天下事惟明斷乃克成功

人のううにます 賢書寄田勿以示人諸生書来然疑勤作者多精進者 諸生相見矣若留此則歲暮乃敢言歸又遲遲也答惟 初二日有肯改用今居家待命若得南京十月初復與 吾以七月二十日進講敬明乃罰章不合聖意至八月 語移日政事甚可觀武城會純甫剛大之資精深之學 展拓想只是獨學不能取友四方故也淮南會唐虞佐 可敬可敬但虚心以来天下之善或未能也 五 莊渠遺書

學不是講說即是想像或與進於未来或追咎於既往 鬱鬱恐傷聖賢之學正要就自己情性上節養歸於中 吾别又一年矣館中諸生用功何如精進者誰舊時為 扣 也潛有哭子之悲至愛固難自割亦宜以道寬解慎勿 少吾欲人各答書丁祀弗暇今不义當歸須面論乃盡 全トノした たき 却於見在生死路頭不免放過故日用間往往不得力

欠このういいす 哀莫大於心死而形死次之此心已死尚不自覺悟豈 此各攻實病各進實功庶幾有益若只做一場話說譬 若合行契只要著實行持而已朋友相聚須真切磋彼 能照察得到心體渾全若幾偷情自由心便散漫走作 非天地間一行屍哉必須常存敬畏此心醒然事来方 如各懷假金在此寧可自購購人不肯去銀鍊也吾東 事来不後能照察功夫跛漏處多此乃千聖心學相傳 西奔走形神俱罷諸生處不及一一裁答大意具於此 推渠遺書


丧真而不祭此孝子哀痛之甚不能自舉朋友無服者 矣汝與布東宜勇决為諸生倡至祝至祝 金げ人じたんごうし 自主之親友咸来助祭若祭他人祖考豈有感格之理 也雖先哲大儒亦未免從俗然於吾心終不安蓋偶窺 世俗他人有喪輙致奠祭以此為厚而不知其為非禮 亦不當與也神不敢非類民不祀非族故祭祀皆子孫 測得聖人制禮之本意也當謂必欲初丧致真易若致 後毛布東

スのの世という 賻必欲將葬致祭曷若以物助其虞祔古禮虞祭始用 與禽獸同歸者幾何其死不與草木同腐者幾何汝固 錢帛量出財力任一丧事最得禮意飲酒食肉丧側自 牲世俗將葬殺牲以真而虞祭反畧最為非禮賻不必 不應在此等中正恐不免在此等中也近日與仲木書 汝病今有瘳矣又度一厄吾甚喜亦甚憂嗟乎人生不 不當從衆 在深遺書


金りでたろう 蒙之民甚是痛快 所能盡汝可猛省此言大學工夫只是定性今却終日 汨其性莊生所謂繕性於俗學以求後其初是之謂散 也不乗其初銳激沙民用之當機而留矢勢險而節 九神也今拈以語汝神决不可以思慮寧亦决非見聞 一代而下學聖人甚難甚難知識神之為神不知全其 一事如何無巨細可備寫来 兵聞拙速未 視巧之父

|拘守文法何由成功且兵機在呼吸間而以揖讓處之 勝而驕聞拜毘陵一士人為師果爾可為太息當道處 錢粮决不可支何不移此懸構重賞知勇俱出矣湯未 使敗得玩我不更為計吾恐情見勢屈彌難彌難矣今 用也自古豪傑成大事者由其能用度外之人也今狗 吾不可言欲薦一人於肅齊然用之又在當道未必能 兵未用無分毫益而費已不貨更運則勸借必不可斷 十年九牧莫知適從詩云如彼築室于道謀是用不潰 莊渠遺書

金定匹库全書 齊縉紳皆學問者亦後如是吾恐上司任事者亦後如 世道大有所關何也今士大夫善官者往往學乖只是 是奈何 世界更無人管可勝歎哉小民何知萬口一詞咸怨肅 務實視官事如家事者乎不幸蹉跌是使士大夫日乖 于成哀哉蕞爾小冦不但關一方利害休戚而於人才 箇挨法會管不如會推誰有如肅齊風夜憂勞耐煩 四 卷十五



金ケロアノニー **墮坑落塹固不可不决裂也** 至庶幾有下手處用藥易見效也 種思量俱一齊斷部無幾元氣静中漸四以待國醫之 吾旦夕望汝不見汝来不知汝用功專一否如大烈烈 自欺最是思賊然其病只是一箇因循遂至長惡容姦 則莫我敢遏以此自體察何如日月不肯待人瞬息便 卷十五



噫上之取利可謂盡錙銖矣民間 屋置過利忍更搜剔 海反棹須是通知上下源流及其分合變遷處會而為 来書自訟不能力行此意甚善吾單不及古人病皆在 之乎切忌切忌戒之戒之 茫深哉言乎参當病汝惹事正指養魚池積水漢二語 未能當此任也杜子美艷預詩天意存傾覆神功接混 一乃能順其勢而利導之然非胸中吞雲夢者八九亦 與王應電

「いしつることに 意見又轉而之他却未免厭常喜新耳體驗功夫若何 已身上體貼去做此誠對病良藥也持之义自別但恐 須勇華汝學問常失之過武讀論語只平平玩味就自 免又級捏一般說話也前此只因如是擔閣了歲年今 處穿鑿太告別生見解出来異日力行上正助太過未 崇禮果崇效天果法地若只是孫生硬做恐又是致知 此然亦須就切近平實處用功方不差了路逕故曰知 有得有疑便中不惜詳示 莊渠遺書 +

金ケビアノミョ 爾有高志而不能遜志用功吾常憂爾念爾一 别又三

困窮拂亂正是天意玉成於汝不可因是自沮飲食男 患然欲明理須虚心以求之决非急迫穿鑿所可得也 乎理而强欲以力為之是故有扞格不勝勤苦難成之 月矣不知爾用何功夫想苦心處多也學者於事不明

極空言無益也貧無以養固所當憂此處只有義命二

こういうう 理自然有端緒出来擇善固執之功皆有所施矣否則 至尾讀之除却許多牽統意思稀却許多障蔽意見義 之定體窮而得之自然活潑潑地若便將古人言語牵 不得有命馬不可必也藏獲背主義所當問引君子無 所争及訟元吉却覺不相當大抵凡事各有至當不易 字須牢立脚跟日用閒但問義當為與不當為若得之 非吾所敢知也 合說然却室礙難行矣事少暇可来館中取大學從頭 莊渠遺書

金グロアノニー 詩賦大家亦必該洽近世亦多好古者觀此决不能醒 但以諧俗之故多收俗字亦多俗解若欲便今詩家恐 各有者落真千古之一快也舊韻非但聲有差韻亦多 聲减定為二十八韻增定為四十五天然去安排字字 多酷信玉篇及守禮部韻堅甚未必肯過而問馬乃若 其目而開其心也詩叶韻亦出天然吾今畧見得而未 走乃知聲失之多韻失之少故管不住真不易之論也

此書已看畢比次倫理訓釋簡明前此未有也雖然李 |嗟麟兮可見昔與陳元誠定樂章親見元誠歌伐太思 能通悟故且蓄疑昨所定太覺草草如駒虞詩一章段 つの可言 **豝韻二章莲豵韻結句自為應不叶上韻也觀周南吁** 齊二章只因一字差上下便貫不去後看大全本恰如 一氣呵成以此深服文公叶韻之妙恐未可易言也 一蔡用其私知而不明大道之自然其同文也乃賈亂 凹 . . . 莊渠遺書

殘書慨古今白頭契分向誰深頂門欲試回生手争得 有病用不得此功是皆拒善之藩籬也受病不淺坐掩 差却乃知古今人胸襟淺深大小不知相去幾許也舜 身不可不懼又其間每涉義理精奧心學淵微處便易 在此汝今自用之意終多此病不小病隨識長將終吾 名家一寸鍼 古文也其間豈無過人處正是其自負恃處然大病却 何人也予何人也不可不勉每見汝自謂已得心學但

不住とりしょ とんごうし

聞汝疾又作不知其為何疾也豈夢遺邪姑蘇有盛雷 $m{\mathcal{L}}$

此夢也遂衣服冠而坐數日猶不釋然於乎人能若此 其封取少許覺而痛自刻責宣吾義利不明邪何以有 者人以椒寄其家十五年矣一夕夢有客急欲用椒啟

汝意見不可反者只為聪明說得行縱橫皆可心愈不

莊源遺書





























- 用功志必能帥氣寤寐一如矣

五は人でこん イニー 本虚形乃實立本貴自然来書畧加静存之功即患不 開亦任之母為之先則所開自然潔净精微渾厚深純 虚去道愈遠故願汝完養虚心玩理待其自開出来不 人注解盡将古今行兵利鈍填塞其中反覺滯礙難用 而涵蓋變化不窮古令善用兵者走他說不得若後有 有無窮之味也易解可自取譬孫子十三篇只虚虛說 何如何如

10. 10 min 2.11 索 其此之謂與此段工夫須面語曹生欲来可與偕來也 但百尺竿頭進步也夏首連山商首歸藏此理深可玩 日論作易根原乃是先天之學解此可以一日千里不 昨所見還只是窺測與天機活潑不同開天之天開天 此非静使然乃欲静使然也素問神有所存則氣結 批源遺書 <u>†</u>

離正為一元處不能無蔽耳汝莫若且置此書俟他日 金ケレアノニー 之人不可不慎也 **聂惇夫云格物是将物託出道来莊子曰以有形者象** 吾無寸長惟看道理持之甚堅偶得人言觸發翻然而 有悟自别 無形者而定矣若非心虚 自然多室涇野易解不免支

いんしのことによる **郡開荒數年今始歸省城而貧如故天之大困元誠** 論天機之言玩之有無窮之味若是乃為實學問在雷 言恍惚陰陽初變化氤氲天地乍廻旋又云更有難名 改汝所改易說只就枝葉上增損根本元不曾動易未 自得故人病中一書义矣不聞謦欬悠悠我思来諭所 狀兩儀仍未分以此求之何如 有是事開出事來今却是牽搭填塞故不能虚邵子當 與陳元誠 莊源遺書 さ

農何如恐才大難於用未必能康濟自身也通来明舊 作可也 兢兢業業還暇及此否律詩與駢儷文同終是俳體不 金げでたる 別後靡日不思何時共坐一堂清風常披拂我雷州明 趣但只是享見成樂未知與古人惟日不足何如堯弥 如是不足為人欲横流中砥柱也見與林相詩雅有天 凋落胡永清李立卿高山深林龍虎變化不測許崇志 卷十五

大いのうとは 戒也昔丧子時以達破愛以敬易哀猶恃有孫也小孫 丧子未知吾後丧孫也此天譴否德為空言無實者至 白也 令姪来承汝惓惟厚意感佩無涯嗟乎爾時汝但知我 託之聶守不幸奔父丧去未知事竟若何去就亦宜明 繼奄忽化去鳴呼傷哉天其無意於斯世邪元誠上疏 鳳凰鳴於高岡金士惇步步循蹈規矩而一二年間相 寄林相 搖罪遺書


學者又多自大籠罩不實汝能以經世為志此誠何處 亦覺可處若天故然今當力進舊學畏天以終身益為 手筆也進而上之廓而大之是誠在人汝誠觀此萬安 自省及此乎然乎否乎吾見郡邑志多矣博學高才則 得来雖然吾憂汝疎畧也未也吾又憂汝輕也汝亦當 廣延嗣續計未知天肯終祐吾否也我世人多自管講 有之少有通達國體者惟蘭溪志底幾乃楓山老先生

|後天折此情大是難堪爾時百念俱忘恍若見性死生

欠こうこうこう 萬古胸襟勇猛前進莫自擔閉莫自拘牽何如 寧惟是固有未老先衰者矣吾人何可不自勵也開拓 水升火降令不知服何樂程子有言不學便老而衰不 昨開汝有眩暈之疾此疾火使然火然則發補其虚則 新志得失當自點會矣因此益求所未至此進德之機 也學須凝聚停蓄乃能宣著發揮耳 與周士淹 推渠遺書


聖胚胎本虚形乃實立本貴自然可以此勘平日所學 力矣且一字有疑必問最見用心周密處五卷將畢止 寄来六書精縊俱已看過篆得甚是有法可謂既竭心 作何功夫懈意一生便是自暴自棄若無天度量安得 送還唐書一部古音畧一部唐三百年儒者成推韓文 有六卷願愈加小心異異免以一類而掩全體之美聞 公吾所深服者陸宣公也宣公而學可以為天民暑中 與徐官

をプレスと言



をいりしょ トノコー 默可見凡事三級而言再思而行此便是聖門訥言敏 經師易遇人師難遭涇野人師也汝今侍之當先法其 學須隨器有成形方可裁中設準絕假借變移無定止 子之身至哉言乎 老明云去子之虚志與驕氣泰色與嗜然是皆無益於 行宗吉相去數千里若肯似此用功便如同堂合席也 厚重易曰古人之辭寡躁人之辭多學之進退只於語

汝有喉痺病至斷水穀而吾乃不知今幸而愈此神明 將天下第一等事讓與別人便是自棄願常以此自振 體於身乃見難易此汝之幸弦也聞日公南遷汝輩失 於在門不在門常如侍側時則可以攝汝心矣程子云 所依歸雖然大丈夫須自立志聖賢皆我師也宜無分 縱逢大匠亦難成今以後聽人講論不要輕信務要實 拔庶慰我數千里縣懸之望也 推渠實書 Ŧ




Carland Litie 諸痛痒瘡皆属心火 蹇二者 皆無益而有損雖然此凡情也有道者必不 已上所書句句可玩味也凡病中最易怒而急欲病 萬般補養皆虛偽惟有操持是要規 節嗜慾定心志便是天氣下降地氣上踏 如是學者當此可以驗平日功夫故特為汝言之 水不勝五火

如哉顏子犯而不校孟子行有不得者反求諸已真汝 初得書謂巴難治再書若易易然三書彌難氣不能平 市之無虎勿問可知也三人言之遂以為真有虎矣惟 師也修回作事頗問自親戚鄉黨暨於交友成以為疑 古之人招之不来麾之不去淆之不濁澄之不清夫何 而未當持久用功以故然疑作耳彼中士夫與汝素不 吾不以為然弗謂交友間亦素不信汝者此汝本美質 相識豈能遽孚必义而後信耳昔寄公移吾批一過付

ほっこうこう シン 俱平安不必掛念兹因夏巡檢便寄此 之修矣化今長可勤用功及防閉衙中吾與家中尊幼 莊源遺書

莊渠遺書卷十五				金子巴子全三
& 十五				基十五
		y		



氣常與天相通心之神明不測能弘此理而與天同天 天之脱殼包裹於外心體太虚宅於中央形骸有間隔 是故前乎千萬世之既往後乎千萬世之方来遠而六 行何有限量窮極人本天生理氣形神合下均付恰如 古今遠近内外之間天體惟一自古至今上自群聖下 合之内外思之皆在目前宇宙内事皆吾分內事更無 有元亨利貞心有仁義禮智天生萬物人成其能以賛 化育天運一日一周氣形有滯也心之妙用即天之神

そうりをした とうる

之不及知有一身則更不知有一家知有一家則更不知 間一任氣質用事氣質强便常失之過氣質弱便常失 食美味鼻欲嗅馨香四肢欲便安快物終牽連無窮日用 只為有我好利也只為有我窮則欲富富則欲貴貴則 至疾民以及於吾惟是一心心如有二乃是世上别有 欲康寧康寧則欲壽耳欲聽美聲目欲視美色口欲 自小了他就驅殼上起意思好名也只為有我好勝也 天更馬得有是理為人有這形氣便生出形氣之私

人のう言い

雅渠遺書

私慾重重間隔如何能與天相似且道宇宙是甚樣大 宇宙問與之比量自是不勝其小唯聖人為能盡心天 人只有數尺驅其生不過百歲所以能與宇宙同大者 有一國知有一國則更不知有天下方寸間被那許多 不及則合天下之聪以為聪視所不見則合天下之明 地萬物渾然同體包括宇宙在方寸間形體有滞聽所 以此心也此心既被形氣私慾間隔但將身形来放在 以為明軀殼上有欲如饑渴之於飲食男女之於室家

亦皆與民同之雖有形氣亦自間隔不得無有限量無 然後千枝萬葉可依而立水必有原然後干流萬派其 出無窮且道世間萬事何者不出於心此是一箇大本 有窮極從古千聖以来唯傳一心以開来學木必有根 經會處此心既存有箇主宰然後萬事可以次第而治 今欲作聖豈外此心心外無事事外無理惟是人欲蔽 隔天理不得流出到那事上必須常存此心凡一事上 必有一理隨事精察其理而力行之一事上人欲既不 () () () () () () () () () 莊渠遺書

只管覷著那迹去做不曾見得大本頭緒既多光然無 學只見聖人事事恰好不知聖人事事都從心上出來 從此廣大胸中流出夫子所謂一以貫之也學者欲到 此地位亦須先用此一以貫之功夫下學而上達也俗 有積累功夫豈能貫通全體哉其與禪學近似者又謂 透徹外面略制得住裏面打疊不盡內外判成兩截雖 下手處雖能隨事用功只是外面略睹箇是裏面元不

得問這一事上天理便得流行積累之义事事皆天理

大いのまたにも 氣孔神處不曾見箇實理老氏謂虛能生氣前一截繞 氣精於形神精於氣理形而上雖氣之妙用猶未離平 形而下也老氏之謂虚釋氏之謂空盖只窺測得那一 而遺外心迹之判也父矣大率理氣形神雖本一體然 淵渾只是理所謂理者非他乃日用萬事所以當然之 認心體虚空萬事之來逐旋照映出箇理豈知人心塞 故也今欲塊然以存此心而萬事皆棄不講則是專內 但能常存此心萬事自然皆正更不隨事用功盖因錯 在果實書

73 1 |我釋氏妄謂天地間萬物生滅只是一箇大輪廻性 是見世人用盡智力終有窮屈時故全不役智力但因 亡縱使靈氣能延數百載何以異草木鳥獸之水年者 順 其勢雖有為而以無為為之此只是占便宜其與聖人 是大道自然後一 神 而自理豈知大道體用一源顯微無間其欲無為亦只 故欲煉氣蜕形逆天以祈不死豈知逆理則此心先 理而行者作用自别也神仙者流亦略窺見一氣孔 一節只是糠粃故欲清淨無為任萬物 老十

ノミレドル

心終日向外支離而無成有能鞭辟近裏用功者又因 **顧遂為天地間一大罪人只因聖學不傳世之學者此** 虚中涵萬理却是真實無妄惟有人然本空今乃一切 上面一番未盡下面一番又生元無輪廻相受心體雖 虚空本體不壞世人心迷貪著外物念念相續不能脫 指以為妄便欲善惡都莫思量至於滅三綱五常而不 為出世間法豈知大化衮衮其出無窮譬如烟出突中 離死生故欲直指人心頓悟真如本性一空一切空名

欠いることも

推渠遺書

士多陷渦馬噫大道既分散為天下裂後之學者不見 聖人釋氏最下者亦有點制其心之法故好高欲速之 天命有元亨利貞故人性有仁義禮智人性有仁義禮 天地之純古人之全體時得一察以自好其弊可勝嘆 心本無事可以不操而存其法至為捷徑謂云可直造 不知主敬之道硬去把捉此心奈何不下釋氏却謂吾 性説

おしにノしゃん たっこ

欠こりころう 有不善處終亦不能減其性之善也上天之載無聲無 氣質物怨之不善此性元是降東東桑人因氣禀物怨 易致陷消壞了那良知良能故性雖本善而不能免於 處氣濁則遮蔽不通質薄則承載不起血肉之驅物慾 施發用都是當人氣質所為乃其良知良能也性即太 其有不善又從何来人有此心便具此性盛貯該載敷 智故人情有惻隐羞惡辭讓是非純粹至善本来如是 極氣質出於陰陽五行合下禀得便有清濁厚薄不聲 拉课電台

著這善便做成惡本體不得自如善固常在若能翻轉 被他汗穢是有了多少聲臭然惡亦非從外生只是反 臭人性本来潔潔淨淨不可添一物繞被氣禀物慾夷 却許多派禀物慾剥落消殞刺存本性便是一箇好光 那惡依舊是善惡都成空因其本無故也心如太虚除 雜便生出惡善本固有惡乃性中元無逐旋添上本體 朗空問底世界所謂人貌而天也古之聖人江漢以濯 之秋陽以暴之以是私欲淨盡耳然亦未必盡是天生

Caraly Line 說耳夫孟子道性善正出於夫子易大傳繼善成性之 性實兼理與氣質而言孟子是就氣質中挑出此理来 耳主孔子者曰天地生人此理已自落在氣質夫子論 性孟子言天地之性性之本然也夫子孟言氣質之性 費多少言語分疏主孟子者曰有天地之性有氣質之 性即是理而明道謂性即氣氣即性後學疑而不決遂 之載無聲無臭孟子道性善而夫子曰性相近伊川云 莊源遺書

都從下學做起故中庸自衣錦尚絅功夫直說到上天

大り上月七十日 則無形而上下之分矣蓋性之字義有二其一性與情 言古聖賢論性皆是直指當人氣質內各具此理而 易大傳中庸告子篇言之詳矣性字從生人之氣禀出 而上者也氣質形而下者也若魚理與氣質滚說作性 名不雜那氣質來說亦何嘗懸空說向天地上去性形 情皆從心此於六書屬會意正是性之所以得名湯誥 心言人生而具此理於心名之曰性其動則為情故性 對其義為定名其一 性與習對其義為虛位性從生從

與篇内性字不同六書之法假借一類甚多自是後人 謂之性自明誠謂之教孟子曰竟舜性之湯武反之亦 成論語性相近也習相遠也古語少成者天性習慣如 習則成於人為者也此於六書自屬假借亦猶姓本姓 Carried Little 内伊川所謂生之謂性止訓所禀受也中庸論自誠明 於天生故借生字為義亦名氣禀曰性而常與習並言 自然凡此皆是假借言性字義本虚故可包得善惡在 氏之性因取生義借而為子姓之性也伊川謂習與性 推渠遺書

處然則首子道性惡與孟子都只說得一邊揚子論性 然乎伊川見首揚韓錯認氣質作性故纔說破性即理 善惡混韓子論性有三品其說皆不悖於聖人矣豈其 執著子貢謂夫子之言性與天道不可得而聞故其言 不見於論語但見性相近也一言便謂正是夫子言性 不曾說破氣禀有惡後人更信不及故明道又謂論性 也明道是指氣質內有此性元不相離耳孟子道性善 不論氣不備論氣不論性不明二之則不是亦非謂論

金ケビルと言

欠らう こま 中零零星星時或透露得人指示又不肯去尋求只管 又被氣禀物慾汨沒譬如自家有箇大寶藏埋沒尾礫 此這些子便是做竟舜底基本也只因迷而不求依舊 此子發見便自精彩不同若能凑合零星漸成片段只 其見天地之心乎復小而辨於物惡冒雖深善念但有 岩滅息而至此不覺自然發見則其本善可知此易復 性當兼氣質言也古今論性莫精於孟子其言曰今人 乍見孺子入井心有怵惕惻隐之心極惡之人其性幾 **推渠遺書**

網維是一 問人借實来看豈不可哀也哉 太虚氣也大塊氣之質也氣聚成質人物盈其間矣孰 所為也氣滯於有而運後不齊便有差成不能盡如此 理之本體然也理本該得如此然却無為不能自如此 ノー・ ししん つー 氣是簡盛貯該載敷施發用底凡理之能如此處皆氣 \該得如此的便是理之發用而其所以該得如此則 理氣説)理以主之理非别是一物在 氣為主只就氣

陽則理亦有健順五常之别缺一則不可以為造化二 隨氣所具各各不同當下俱有一箇所以該得如此其 者謂之氣道即理也氣能具是理故謂之氣理一而已 處但他原能如此不害其有所以該得如此底在上亦 クラロラ とれる 五錯綜變化萬殊総是一箇該得如此而分不同在這 不同處正是同處此理所以能為氣之主夫氣之始混 未有义而不復其常者易曰形而上者謂之道形而下 推渠遺書

著所以然也氣精英不能無查滓精英則虚而靈能妙 裏便該得如此在那裏便該得如彼做出十萬箇該得 滓拶在中間故天德便健地只是順天地氣化滚来滚 箇當然處天渾是一團精英之氣包運乎外而地形查 乎異查滓則塞而不能但理在查滓則亦隨其所能有 到處圓成充塞流行更無空闕所當然字說不盡故更 如此底出来其實只是一箇該得如此故能隨在具足 去生了一番人物又生一番人物性從何而来即天地

金げして

120.00 1 1 200 m 簡該得如此是故飛者得此理則為飛之性走者得此 寡為智愚賢不肖之等差惟其性無不同故皆可以變 所賦之理各就他分上有箇所以該得如此人得氣之 所成室塞而蠢其性不復能與人同但隨形氣所能具 人全禀精英能盡其性其次精英中帶了些香深以多 精英心含二五之秀健順五常之德與天地同亦惟聖 化唯一種下愚之人查洋太多天地精英之氣偏有所 不入孔子論性所謂不移之質是也物乃氣之查漢 雜渠遺書

金りせん 人性相近龜麟龍鳳四靈天地間氣所出終以查泽限 物何知亦各自為禁碎不相假借陵奪而能若蜂蟻之 無所不能故能妙是理衆體不得而與馬然亦各隨其 君臣虎狼之父子乃其塞處有一路子開便具得来與 理則為走之性潛者得此理則為潛之性蠢動自蠕植 目昇口手足各有所能而不相通心都中央精英之會 便可見萬物這一團氣其查洋結成軀殼包褁於外耳 其精英故終不如人性之貴也人身小天地但觀吾身

就形質上說然質具於地者也亦各具得些意思天地 些意思肝發生仁也肺清肅義也腎藏蓄知也脾任養 實具於心而諸臟不與以其形氣偏塞也然亦各具得 有混沌開闢人物亦有混沌開闢人之大始氣渾渾木 信也亦猶五常之在天地各因五行生物之氣而名非 黙識矣心本屬火與肺肝脾腎分屬五行然五常之德 稍靈然豈能如心之神明也哉觀此則人物之性固可 所能有箇當然之則而同出於吾心手足皆蠢耳目雖

大モロラインテラ

莊源遺書

當其未發則亦冲漠無朕盖此衆理即一理之所為故 子相通其實只是一箇理夫子所謂一以貫之也該當 来遇父便成孝遇君便成忠觸處都是雖各有箇文路 能無所不包日用應萬事都從心上這一箇理流將出 氣成備有物有則其理絕會於心渾然之內脉絡貫通 ならしししん とここ 論之鳥與鳥類也然而凡鳥不可以皆為鳳獸與獸 分其理惟一形生之後氣散為百體而心虚中二五之 類也然而凡獸不可以皆為蘇何則其形異也聖人

ステラーと言 棄者也 故多盗國家患之廼命胡君食福建按察司事往治其 淮陰胡君重器守南京秋官尚書郎褒然有才望章南 然後可以踐形被學而不求至于聖人者皆自暴自 與我同類耳目口鼻手足皆無弗同其心豈容獨 心既同則其性亦同豈有不可至之理故曰惟聖 序 贈胡重器愈憲福建序 拉渠遺書

惡而以為可哀請然不忍人之心情盈於中而充溢於 之良民乎機寒切於身而公私復交征其利是故不得 兵賜爾書以從事察友於君仲仁符君同和華祖之於 已而為盗非不知其終不免於死也以為獲一日之養 江謂余以年好屬以贈言余惟今海內多盗熟非國家 外有以先加乎民伴聞之者雖極克惡咸情得而動心 生又欲盡促之死吁亦忍哉君之往也其無以盗為可 則延一日之生猶愈於立殞命耳長民者弗能養民之

盡或可招安或當剿滅時指之宜詢於群謀而斷以下 該無念族之念亦將消阻閉藏各欲解散乃徐為之規 之不遺餘力將見困窮之民欲為盗者以為自今吾猶 去在官一切貪汙苛虐之人由是發號施令與民更始 馬曰是欲生我者也下車之初痛自刻責以率其下先 意盡一方之才處一方之事寧不恢恢乎其有餘地也 Can Some District 可以生也何苦而從盗乎既為盗者咸知君有哀於之 理克滞縣貧窮均賦役節財用凡可以佐民者汲汲為 莊渠遺書

矣君豈忍之哉吾固知其不然矣昔漢宣以襲遂刺渤 一將勝之也帝曰選用良吏固欲安之耳遂復自請毋拘 |海遂因請曰國家赤子弄兵於潢池今將使臣安之邪 |夫兵尤刑之大者也一輕用之則人之不得其死者衆 者君豈思盡真之死那君之司刑不思輕真一人於法 盗之抵死者尚欲為求其生今兹之往盗之猶可以生 不遺庶民各安生而無將来為盗之忠公子君害為理官 哉盗既解散又當益恤民隱可與之利當除之害次第

をデノビデル・三官

見しつる ここ 之君以戴記起家登進士必能以禮讓教其民矣余故 教民也民生有欲不能無争争則易以亂惟禮可以戶 可得而畧也 室矣豈不休哉雖然余之言止盗皆安養之事耳未及 臣以文法今國家以章南多盗擅君以刺史之權予君 上意邪亦曰昔之有司使良民為盗今君使盗為良民 以聖書之重視漢宣之用龔遂殆將過之君將何以稱 則漳南之治當與渤海同而國家得人可以比隆於漢

已己君推守曲靖軍民府察友嚴家孚革祖於江之滸 為南都尚書郎校义從君之後知君有德長者也正德 蜀人趙終古連守三州皆有惠政君去州之民思之入 君之一身馬耳政始於自治則不嚴而肅教始於躬行 也曲靖地方數百里紀綱之理亂風俗之汙隆成繁於 則不令而從是故其本莫先於正已守也者承君之德 而需校贈之以言校義不可辭乃言曰郡守民之師帥 送趙終吉擢守曲靖軍民府序

金げびたといる

父でしのでことがら 将爱君如父母矣是故其德莫切於爱民曲靖一郡合一 名而不計其名之無其實民奚賴馬君能愛民如子民 為民父母者尚利於已而不顧其害之切於民求已之 哉曲靖遠京師萬餘里而吾君以其土地人民全付與 而致之民者也否則上雖有爱民之心下孰與被其澤 為父母曲靖之民皆君之子賴君以養其生者也今之 君無南顧之憂矣是故其職莫重於體君郡之民以守 君以君能宣其德也君身在外乃心罔不在帝室則吾 莊渠遺書

其賢而勸之人孰不勉於善知其不肖而懲之人孰不 罰可行矣是故其要莫急於知人一郡之内庭事皆責 進其人於庭而問之退而武之以事書其姓名於屏朝 於君人性之所宜政體之所尚可與之利當除之言守 夕訪之而疏其下則賢者易知也不肖者易知也而賞 四州二縣之属吏於兹土者以百人而君為之長君知 **愧於惡是使不肖為賢也君欲知其賢與不肖則莫若** 人豈能盡知而盡行之邪君其虚心以求之使四境

金グロアノスコー

スピロres Artis |公卿則所以治天下者亦舉是道而指之馬耳衆皆曰 君今日以是道治郡而有成功異時由郡守高第入為 古之欲明明德於天下者先治其國國治而後天下平 日如子之言亦可以治天下矣乎曰今之郡古之國也 有利害母狗其在人而忽其在我則於為郡也何有衆 **此緩其功而急其效毋有其始而靡其終時有毀譽事** 之功邪是故其次莫大於好善君之往也行是五者請 非湯遺書

之内皆欣欣然而来樂告我以善則衆人之功孰非君

下車に人口に た三百 諾遂書以為贈 送吳得中愈憲浙江序

冬雅飲浙江按察司事校贈之言曰憲司正人者也戶 **莆人吳得中字南京秋官尚書郎以清謹聞正德已日**

獨可以弗正矣乎自治之弗嚴人將怨而不服躬行之

激濁而揚清賢者弗進而進者匪賢人奚以勸不肖者 不至人將慢而弗治是故其本其先於正已風憲之職

弗退而退者匪不肖人奚以懲是故其要莫急於知人

監司察守令者也即弗治責諸守縣弗治責諸令若僕 於天有不可必則將如之何君曰請益校曰言有義有 知人不知人則無以委任而責成功雖欲務大體弗可 僕馬代守令而行其事則亦一守令耳是故其職其賣 得已三者相因其本則一耳君曰子之言至矣盡矣杖 於得大體已弗正則好惡弗公而取舍弗明不可以不 命馬義所可君則為之義所不可君則勿為其於毀也 日末也君盡其在我者矣而毀譽之至於人利害之出 推渠遺書

金好匹库全書 去之世為金華永康人其先有諱遠者唐杭州刺史其 言因次其言以贈 害而避亦惑也已矣君曰敢不敬蚤夜以求服膺子之 非今所能移真之為而為非我所能必若見利而超見 君諱滄字一清姓李氏初號石泉後以彌文且近名逐 奚以怒其於譽也奚以喜禍福之在天也莫之致而至 誌銘 損益夏敦夫撰李一清墓誌銘

始遷之祖曾祖諱東良嘗代父請獻而卒人稱其孝祖 子明為參軍破賊有功遂家於杭陽之孫德明為永康 諱仁仲父諱鑑母蔣氏蘭溪楓山章先生嘗誌其墓君 Economical Living 库生弘治戊午領鄉薦赴春官落第南還適父疾特延 者其不數具南長即有志讀書事師唯謹年十四補品 奠悉准文公家禮服除入太學時楓山先生為於酒其 明醫湯藥必親當衣不解帶者月餘及卒哀毀骨立葬 自幻凝重不妄語笑常侍父母側承候起居如成人見

一每自外歸必至寢前省視祁寒盛暑不廢家事無巨細 器之正德戊辰登進士第奔母丧哭至絕而復蘇者數 若已子卒以成立辛未冬服関赴選除授南京工部營 **送司主事工曹歲造恒良民財將以緣是乾沒事涉內** 忌日輕涕泣曰今雖欲盡孝敬不可得矣仲兄患足疾 四每以不得躬視湯藥殯殮忽忽如癡醉者兩閱歲遇 必咨票後行季兄澤蚤世遺孤友杜方在抱撫育教娶 府多官寺冬主之故精弊年莫可破君盜官一以清慎

京師命君督其事君安靖識大體不為細岢民用不擾 錢以重病民孫公甚敬信之儀真歲運覺俵官民船附 君條其材用徒庸卒減前費什之五六不忍糜國家 定今家宰孫公為工部尚書雅知君凡有興作悉委之 勤自將風夜奉公視官事不啻家事爬姦剔蠢毛髮不 而吏亦無所容其發事可便民則為措書纖悉舟航往 来及居民商賈之在儀真者無老稚賢愚咸頌其德儀 可干以私不為利勢回屈始而物情齟齬久之遂安以

人のうる とれつ

推源遺書

金少四人在一 官同事者亦憚其風米初草清坤寧灾至是軟取大木 還後差司龍江抽分竹木礟君以疾辭時少字石公署 人亦雅聞君名不敢强平生有守皆此類踰年故事而 舟便多决閘以行君以法守拒之動攝以威此不為動 真當漕河街置壩蓄水惟大涤廼故閘洩之中貴人利 而視事藩府威里有漏税者君追而治之不少假借雖 工部日此非李主事不可必需其愈而遣之不得已起 懼而止者甚多或贈以文綺之屬君例堅辭不受中 七十六

之在鄉者相與白於有司為立里門以旌之表曰清修 所親曰吾死慎勿須材於公家為吾平生之累及卒無 一德十年七月十七日也享年四十有七病章時顧謂其 忍重推商人財令價頭貴以病民頌聲播遠近家室陸 上供君視事如平日持法謹嚴而用意一本於仁恕不 於朝行旅之人故有德於君者相與哭於野門生者老 公開其名方欲推置吏部以自助不意寢疾而卒實正 以為發妻徐氏盡獨其裝始克歸极賢士大夫相與弔

欠うの。早心は

莊渠遺書

理修身之方凡異端之説及近世詞章功利之習不以 自公報閉門不出潛心六經語孟及程朱文字而求窮 志及官南都日以親賢講學為事敢然自視若愚退食 · 齊機渴之於飲食遊太學聞楓山論學既然有求道之 彬臣勝尹氏所出尚初以卒之明年月日卜葬於霞里 古士蓋君之積誠動人也友人蜀王教以詩哭之云傷 祖堂之傍去家二里而近一清資質近道好義樂善不 心病華買棺言千古同符易簧論識者以為名言子男

下人で このかっこれはの ... 已而信先儒之言族幾求之而可得先儒論或有未定 字不敢易余嘗曉之曰文公晚年論學及解經要議雖 可深泥也一清曰不然吾華學未見道今日正當不信 聖人復起不能易也乃若小小文義程朱已不盡同不 底幾步步看實不為空言金華之學始於成公而何王! 未嘗議及前華短尤尊信文公按其成說佩而行之一 金許其傳出於考亭高弟黃文肅公君守其鄉學甚至 一毫經心嘗曰人之為學當從人倫日用上實下功夫 莊渠遺書

をだりせずた とこっち 矣今天下家誦程朱之書而六經燦然明世然世降浸 訪明經而釋教流入中國义微程朱則聖學其遂無傳 幸齊志而沒不亦重可哀邪告大道既隱漢儒紙以訓 者吾且關所宜可也余深以為然於乎一清質魯志確 **薄士往往務空言而闕於實行學益支離好高者後竊** 平正篇實矣天假之年則其所造非余所得以知而不 以其近道之資而又學不畔道蓋踐優多於講明可謂 禪語而託於經傳謂可一蹴入孔室而輕訶宋儒號空

天 Sin Adm 學無助則所哀者豈直朋舊之情而已邪因誌其墓而 絕有言事符易簧後欲知君視此石刻 實地者安可得那余不幸生於絕學之後方欲求助於 銘之銘曰昔在孔門曾以曾得確哉李君學從曾入垂 人以進此道得友如一清而又一旦化去踽踽凉凉獨 而不踐實境弊也父矣若吾一清以躬行為學而足候 昌黎墓志學史記列傳體而太史公尚矣列傳若為 損益大意 莊渠遺書

|譁然不平今門户太高黨事將起憂其將害蒼生但實 官爵甲第立坊者異矢水康此舉可振頹俗法宜得書 修吾學是真難滅是假易除吾學果大成將不大聲色 今但云立里門以旌之傷於界當增表曰清修古士 國家事關係亦多亦宜紋見一二然亦不必煩 一文公作曹立之墓表未嘗深闢陸學而象山之徒戶 一表厥宅里漢人君子鄉高陽里猶有遺意與今之以 一人作而當時天下事皆備見其體甚大今一清官里

アルノシェトノニー

界改云云族幾不偏又意蓄亦不甚露因稱一清起此 學之提徑而陥溺多世之高明之士今捨却俗學一邊 專攻彼一邊之失語意亦欠平正而未足服其心也今 說蜂起程朱之書又將為天下大禁余為此懼而力不 正今直云近時一種便像矯厲之資空虛恠僻之論具 於微婉使言之者無罪而聞之者足以戒底得性情之 而自定矣奈何以口古與争激成其勢况風人之義貴 足以震之則幾於罵矣且彼正因厭俗學支離故喜禪

大にのうとう

批渠遺書

Ī

議論非欲謫彼且亦足以為諷而不至激其怒也

踵門稽顏近血路而致辭乞校勒銘其先墓圖惟不朽 昔在正德戊寅三月其日嘉定金處士卒越二載建五 月乙酉乃葬前期其孫貢士洲持父命辭母几筵衰經 赤定金處士墓誌銘

伏地不能與校惟金氏之葬也已緩然聞其治丧能深

長思棺槨內外易母比化者後艱兹其難朽矣善積者 天錫以餘慶行立者人隨之令名銘基後世彌文也而

でこうこう |吾祖少服勞養吾曾祖父母遠養高祖父母俱高年多 祖母滌器酒食潔豐進生時所嗜物遇先忌終日悲愴 疾病而嗜好不同吾祖委曲承順咸得其惟心馬及終 友成以是敦余哀誠所動也校廼弗忍違洲泣而言曰 承而其請彌至是日望貢士之言親無不惻然動容者 奚以為且風所不習余曷嘗以偏辭書人墓固辭弗敢 天年竭力襄四丧創祠堂以奉先世歲時祭祀宿戒吾 越真旦弗去益悲校終辭之由是父兄成以是命余交 推渠遺書

|嗜炙然畫動家務深夜静坐東燭讀史欣然忘疲晚年 愛我曾祖遺姑姊妹為於愛吾姑姊妹魄遺周恤恒加 卒施及其子若孫通家往来曰其隆師如是乎鄉當其 孝與吾祖幼從議齊徐先生多識古今之故年既香以 乏戒子孫其母忘吾母家曰其愛親如斯乎宗族其稱 隆馬曰吾女豈得比先人女曾祖母外宗沒微恒振其 見讓齊猶執弟子禮甚恭怡怡如奉家長其於的書先 就讀五倫書誦數咸買家庭有訓述議齊語居多謙齊

·疏無遺地馬戒母雜樹花卉曰是饑弗得養健弗得充 稱弟與否祖惟恒産是務厥心有常無外物養農事與 成有獨奇玩好名盡者曰古弗貴異物非衣食之源也 悉命亞旅疆以往服田山里照植稔高原藝該麥面蘇 父にものきている 者也嬪婦織木綿為衣語人曰吾田舍翁也敢習富貴 計有以珍寶盛飾婦人裝求售者日兹謂誨淫經有明 惟積書多至萬卷曰其勤儉如斯乎子孫其能守與銘 相以導子孫惰驕服惡華靡器物喜堅朴凡事為經久 莊渠遺書 主

行若有矩度終身無改凡無飲酒始率以治數皆微醺 義稱美止子勿言兹皆可撮而傳矣洲又泣曰吾祖言 官弗敢受服或疑其固曰爵惟有德是禁富者出財疾 職者終誤莫敢譯 當有令納栗拜爵吾祖輸栗數東於 民常分也吾布衣足矣敢濫名器邪及卒遺命以深衣 不復進杯勺或强至醉竟弗及亂進退儼如後生喜放 年有行者咸推吾祖宜延居三實之首後虛介席一以 幅巾檢戒子孫母以貲發身縣大夫舉行鄉飲欲得高

大かりのでしたはかっ 屑予一錢丐修浮屠老子之宫者立門外終日廢然而 舊族然至吾祖而家業始益昌吾祖慎取予之節皆遣 深耻人有無故气見者雖甚强點及甘悦善入者終不 不可以誤鱼還諸楊子孫婚嫁做禮俗行之以論財為 人質布於邑西楊氏閱數而美十疋曰彼誤予也吾受 以埋者膊之棺饑者周之粟吾父承之曰先人起家惟 反聞修橋梁除道路而力不瞻者無遠近助之財死無 迎固讓弗敢赴日其執禮如斯乎遺風尚存否吾家雖 莊渠遺書

一教吾族及里人之子弟繼先志也日其仗義如斯平而 金り口たと言 子慈孫之心乃論其世嘉定之金殿初家南翔其稱祭 艱敢居然有先業歲存餓發栗以販其鄉將立義塾以 生處士諱鑑厥字汝昭人稱為竹軒翁生於其年其 華三華三生國英國英生谷瑜谷瑜生有慶娶於朱是 父果哉能光前人可多也已吾何敢爱一辭弗以熊孝 月其日壽七十有六齡墓在西漳浦右原祖堂移兆 一府君者實維金漳浦始遷祖距處士五世矣禁一生

にっこうこう シェン 自出校弗及識處士爰以孫故信其祖自愧不德莫能 其猶旦暮乎而奚悲也臨終爽然曾不怛化其達生有 容以遺訓顧洲授之洲嗚咽不能仰視處士徐曰死生 初處士無恙時視其腓腫及股顧洲曰昔吾祖以是殁 使人徵信余言也雖然洲而修德厥躬何患無傳矣系 稱未亡人二孫洲幹洲為學謹信人也遡流考源原有 如此者配張氏繼室以陳子男茝娶孫氏女適未鵬少 吾父亦以是殁兹遗氣所禪邪吾今死期至矣一日從 推渠遺書

